



КАФИСТ

СВЯТОМУ
МЪЧЕНИКУ
АБРАМИЮ
БОЛГАРСКОМУ

**Святый мучениче наш Авраамие,
моли Бога о нас!**



Тропарь и кондак святому мученику Авраамію Болгарскому

Тропарь, глас 4

Днёсь, благовѣрнии людіе,/ сошѣдшесе, восхвалим
дóбляго сего мученика и страдальца Авраамія:/ сей
бо, укрепляем сілою Бóжіею, дúшу свою положи за
Христá,/ много пострадав от зловѣрных болгар./ Сего
ради от Гóспода венѣц пріят,/ и ныне предстоит Емú и
мóлится о граде сем// и о всех нас, чтúщих пáмьять егó.

Кондак, глас 8

Яко многоцѣнное сокровище,/ принесѣно бысть от
Болгáрскія страны во град Владíмир/ пречестнóе тѣло
твоѣ, мучениче Аврааміе,/ íмже подаѣши всем чтúщим
преслáвную пáмьять твою обíлие исцелѣний,/ предстоя
на Небесí Христú Бóгу// и моля Егó о спасѣнии душ
наших.



Акафист святому мученику Авраамію Болгарскому

Кондак 1

Избранный страстотерпче Христов и чудотворче предивный, во страдании твоём венец приёмый от руки Вседержителя и со ангелы предстояй Его престолу, пёсньми восхваляем тя любовию и молимтиса, молитвами твоими от всяких бед и скорбей свободай нас, тебе зовущих:

Радуйся, мучениче и чудотворче Аврааміе.

Икос 1

Ангелов сожителъ и человеков заступник воистину явился еси, мучениче достохвально, благоволением всех Творца Христа Бога, Его же возлюбил еси и за Него же пострадал еси даже до крове во исповедании непоколебимом. Темже приими от нас сия хваления:

Радуйся, звездó пресветлая благочестия; радуйся, светило, во тьме нечестия преславно возсиявшее.



Рáдуйся, зловéрия магомéтова обличíтелю; рá-
дуйся, вéры христиáнския небоязненный проповé-
днице.

Рáдуйся, Евáнгельскаго учéния дóбрый послуша-
телю; рáдуйся, закóна Господня теплэйший хра-
нителю.

Рáдуйся, кúплю врéменную пременивый на стя-
жáние вéчное небéсное; рáдуйся, вéры Христóвы
бíсер многоцéнен стяжáвый.

Рáдуйся, Христóвым учéнием дúшу твою про-
светíвый; рáдуйся, удостóившийся благодáтнаго
осенéния свýше.

Рáдуйся, явívыйся добродéтелей жилище, преу-
крашénное чистотою; рáдуйся, Дúха Святаго обí-
тель прекрасная.

Рáдуйся, мýчениче и чудотвóрче Авраáмие.

Кондак 2

Видя Христóс Господь дúшу твою, ко прýтию
сéмени слóва Бóжия чистотою и мíлостынею пре-
дуготóванную, свéтом познáния Своегó просветí ты,
блажénне, я́ко Корни́лия сóтника дрéвле, тáко и твоя
добродéтели преждебýвшия помянóв любоблагоу-
тробно, спасаéмых чáсти сотвори́ ты óбщника в Не-
бéсном Цáрствии, иде́же со áнгелы поéши Пресвятéй
Трóице песнь: **Аллилу́иа.**



Икос 2

Разум богопросвещенный даровася тебе, Авраамие, имже ясно проразумел еси тщету душепагубную зловерия магомётова, и онаго уклонитися, Христа же взыскати потщался еси вседушно; темже взываем ти:

Радуйся, блаженный последователю Христов; радуйся, любителю заповедей Его преискренний.

Радуйся, крине благоуханный рай превышняго; радуйся, цвете прекрасный вертограда Иисусова.

Радуйся, богатство земное ни во чтоже вменивый; радуйся, стяжания тленная презревый.

Радуйся, нищия удовливыи; радуйся, руками убогих сокровища твои горе предпославыи.

Радуйся, яко не уклонился еси в лихоимение; радуйся, яко неуловлен пребыл еси сребролюбием.

Радуйся, мудрый купец Царствия Небеснаго; радуйся, верный рабе, данный тебе талант приумноживший.

Радуйся, мучениче и чудотворче Авраамие.

Кондак 3

Сила Вышняго укрепи ты на подвиг страдальческий, мучениче святыи Авраамие; не терпя бо видети пагубу душ человеческих, ревностию возгорелся еси по Бозе живе, и став посреде торжища, небоязненно



обличил еси магометову прелесть, поучая собратий твоих благочестно веровати во Христа, за Него же и страдати не уклонился еси, зовый: Аллилѹиа.

Икос 3

Имѣя зловерием потемненныя души, не восхотѣша болгаре приникнути в разум словес твоихъ божественныхъ, но рѹце убійственныя на тя возложивше, биениемъ лютымъ содробляху твоѣ составы. Мы же, улажѣя страданія твоѣ, глаголемъ:

Радуйся, Христа вседушно возлюбивый; радуйся, любовь к Нему язвами, за Него подъятыми, явивый.

Радуйся, апостоломъ поревновавый; радуйся, органъ Святаго Дѹха бывый. Радуйся, благовѣстія Евангельскаго уста благоглаголивая; радуйся, словеса жизни вечныя провещая.

Радуйся, биение лютое за пресладкаго ти Иисуса сладце претерпевый; радуйся, поруганіе и досажденіе за Него благодушно воспріявый.

Радуйся, яко во исповѣданіи Христовѣ непоколебимъ пребыл еси; радуйся, яко ласканиемъ и прельщеніемъ непреклоненъ явился еси.

Радуйся, страстотерпче, в мужестве неодоленный; радуйся, добропобѣднице, в терпѣніи непреложный.

Радуйся, мучениче и чудотворче Аврааміе.



Кондак 4

Бурею злѣбы дѣшуще, нечестивии бѣлгаре терзашу тя, яко агнца незлѣбива зверіе дивии, покушаша мѣками отвратити тя от Христа ко своему нечестію; но ничтоже успеха потемненнии, силою бо свѣше укрепляемъ, посрамил еси оных ухищреніе, посреде мученій немѣлчно исповѣдуя Христа, еди=наго Творца и Бѣга, и вопія Ему: Аллилуіа.

Икос 4

Слѣшав увещательныя твоѣ глаголы, мучителие твоѣ, аспидом глухим уподѣблшесе, сугубыми ранами уязвляху тѣло твоѣ многотерпелівое, Аврааміе свѣте, яко не бѣти на нем мѣста цѣла и неуязвлена. Дивяся ўбо величеству терпенія твоего, зовѣм ти:

Радуйся, учителю благочестія; радуйся, посрамителю нечестія.

Радуйся, ранами, яко ўтварями многоцѣнными украшенный; радуйся, крѣвию твоѣю, яко багрянницею, облаченный.

Радуйся, всесожженіе тѣльное себѣ Христу принѣсший; радуйся, за прелюбѣзнаго ти Иисуса дѣшу положивый.

Радуйся, страданіем сочетавыйся Христу, ради нашего спасенія распятому; радуйся, ликовствуя в чертозе небеснаго Домовладыки.



Рáдуйся, у престóла Бóжия предстояй с гóрними сíлами; рáдуйся, откровénным лицém созерца́я сла́ву трисия́ннаго Божества́.

Рáдуйся, от райских высóт приника́яй благосéрдием тво́им к нам земнорóдным; рáдуйся, спаса́яй от бед véру и любóвь к тебé имúщих.

Рáдуйся, мúчениче и чудотвóрче Авраáмие.

Кондак 5

Богомúдным проповéдником апóстолом, за íмя Христо́во рáны рáдостно приéмшим, подража́л еси́ во страда́нии твоéм, Авраáмие, вопия́ сопротíв мúчащих тя: Христа́ чту, Его́ еди́наго люблю́ и умре́ти за Него́ преискренне желаю́, да и с Ним живу́ во véки, зовы́й: **Аллилу́иа.**

Икос 5

Ви́девше тя, злочестíвии мучíteлие бóлгаре, непреклóнна и непобедíма исповéдника Христо́ва, пёрвее рúце и нóзе тво́и отсеко́ша, та́же и главú твою́ честnúю мечém отъя́ша, и та́ко дóблестно течéние твоé сконча́в, прешéл еси́ к обítелем небéсным, от нас же земнóх слы́шиши похвалы́ сия́:

Рáдуйся, исповéдниче Христо́в непобедíмый; рáдуйся, адама́нте терпéния крепча́йший.

Рáдуйся, нóвый мúчениче, дрéвним вели́ким мú-



чеником равночестне; радуйся, преславный венценосче, горé увенчанный.

Радуйся, чудотворения благодатию от Господа обогащенный; радуйся, целёб подателю всеблагий.

Радуйся, во благоухании святыни почиваяя; радуйся, ароматы райскими облагоухаяя души верных.

Радуйся, источниче даров многоразличных; радуйся, реко приснотекущая чудес.

Радуйся, милосердия к страждущим сокровище неистощимое; радуйся, болящих врачевство неоскудное.

Радуйся, мучениче и чудотворче Авраамие.

Кондак 6

Проповестся в стране Российстей доблесть подвига твоего страдальческаго, мучениче всехвальный; темже, слышав твою кончину славную и чудотворений твоих благодать, благоверный великий князь Георгий восхотé стяжати тя заступника стольному граду своему Владимиру, в онь же мочи твоя от болгар принести потщася, зовый венчающему мученики Христу Богу: Аллилуиа.

Икос 6

Возсиял еси преславно чудотворения лучами, по пренесении мощей твоих честных, Авраамие святе,



во град Владѣмир, ѣже ѳными свѣтло красуется, яко сокровищем многоцѣнным. Также и град Болгар по скончании многаго времени десницею твоєю многоцѣлѣбную освятѣся; мы же, чтущии тя, раку твою любѣзне обстояще, зовѣм ти:

Радуйся, града нашего похвало и утверждение; радуйся, обители Богоматерняя, в нейже почи ваеши, прѣсное заступление.

Радуйся, подвизающимся в ней благодатное вспоможение; радуйся, ѳных покрове и защи щение.

Радуйся, недугующих скоропредстательный цѣлѣбниче; радуйся, унывающих благонадѣжное возбуждение.

Радуйся, скорбящих всежелательное утешение; радуйся, нищих изобильное богатство.

Радуйся, болящих младенцев исцеление; радуйся, изнемогающих укрепление.

Радуйся, ревнующих о благочестии помощниче; радуйся, пребывающих в постѣ и молитве споспѣшниче.

Радуйся, мучениче и чудотворче Авраамие.

Кондак 7

Хотя человеколюбец Господь явити щедрот Своих обилие странѣ Россійстей, дарова нам тебѣ стра



стотѣрпца нѡваго и молѣтвенника богопрѣятнаго, чудѣс благодать источающа и недѣжных безмѣдно врачующа; тѣмже благодаримъ тобою благодѣющаго намъ Господа и свѣтло прѣзднуемъ честныхъ мощей твоихъ пренесѣние, къ нимъ съ любовью припадающе и Христу зовуще: **Аллилуиа.**

Икосъ 7

Нѡваго тя мѣченика и дѡбляго страдальца, Христова исповѣдника и чудотворца славнаго, любовью ублажаемъ, и радуешься о твоѣмъ къ намъ прѣшествии, глаголемъ:

Радуйся, деннице лучезарная, озарившая Болгар и Владимир; радуйся, лучу немерцающий Солнца правды Христа.

Радуйся, угѡднице Господень, прѣдивный въ чудесехъ; радуйся, праведнице, прославленный на небесѣхъ и на землѣхъ.

Радуйся, нетлѣниемъ мощей твоихъ въ истинѣ воскресѣния мертвыхъ уверяяя; радуйся, образъ безсмертїа въ смертномъ телесѣ показуяя.

Радуйся, яко тебѣ дана бысть благодать за ны молѣтися и возбуждати насъ къ благимъ деломъ; радуйся, яко и по прѣставленїи твоѣмъ благодѣяние требующимъ подаваеши.

Радуйся, от смертоносныхъ язвъ и болѣзней прѣте-



кающих к тебе сохраняяй; радуйся, бѣдствующим и обидимым помогай.

Радуйся, боголюбивых душ непостыдное упование; радуйся, любящих тя присное утешение.

Радуйся, мучениче и чудотворче Авраамие.

Кондак 8

Странно есть видети мертвенное тело, жизнь присносущную являющее, во гробе лежащее и недуги врачующее; но, мучениче Христов Авраамие, мощами твоими святыми в храме сем поживаяй, веруем несомненно, яко и духом твоим не отлучаешься от нас, недостойных, честную раку твою с любовью обстоящих и Христу благодарне зовущих: **Аллилуиа.**

Икос 8

Весь в вышних еси святче Божий, во светлости святых торжествуещи и наслаждаешься неизреченных благ небесных; вемы же, яко и нас земных и перстных не забываеши, но от горних высот милостивно к нам приникаеши, подвизая нас чествовати тя сими похвалами:

Радуйся, благочестия утверждение; радуйся, Православия похвало.

Радуйся, земли Россійския благодатное осенение; радуйся, града Болгара светлое радование.



Ра́дуйся, многострада́льная ро́зго виногра́да Хри-
сто́ва; ра́дуйся, гражда́нине го́рняго гра́да, Иеру-
сали́ма небéснаго.

Ра́дуйся, в пресла́вном му́ченическом ли́ке пре-
быва́яй; ра́дуйся, ра́я жи́телю всеблаже́нный.

Ра́дуйся, Ца́рствия Христо́ва насле́днице; ра́дуй-
ся, вéчныя блаже́нныя жи́зни соприча́стнице.

Ра́дуйся, прибéжище на́ше и защи́щение; ра́дуй-
ся, ско́рое и безме́здное недúгов врачевáние.

Ра́дуйся, му́чениче и чудотво́рче Авраáмие.

Кондак 9

Вси а́нгели небéснии восприя́ша тя ра́достно во
о́бители ра́йския, страда́льче богому́дре Авраáмие,
иде́же свята́я тво́я душа́, огне́м страда́ния искуше́н-
ная, по́честь побéдную восприя́ от Христа́ Бо́га на́-
шего, пра́веднаго Мздовозда́теля подвиза́ющихся
за и́мя Его́ свято́е на земли́; прославля́я бо их на не-
беси́, с го́рними во́и у престо́ла Своего́ предсто́яния
сподобля́ет, иде́же поéтся Ему́ немол́чная песнь:
Аллилу́иа.

Икос 9

Витийством злочестивым и прельщением лука-
вым неуловлен пребыл еси́, страстотерпче, изво́ли-
вый па́че умре́ти, не́же Христа́ и ве́ры в Него́ святы́я



отрещіся, тѣмже, яко дѡбляго исповѣдника Хри-
сто́ва, ублажа́ем тя и зовѣм:

Ра́дуйся, пречу́дное му́жество явѣвый; ра́дуйся,
яко просвещѣн был еси́ зарѣю Пресвята́го Ду́ха.

Ра́дуйся, яко страх малоду́шный от себѣ отря́сл
еси́; ра́дуйся, яко щито́м вѣры огради́лся еси́.

Ра́дуйся, неумолка́ющий благовѣстниче си́лы Бо́-
жия, в немо́щи челове́честей соверша́ющияся; ра́-
дуйся, и́стинный поклѡнниче, ду́хом и и́стиною
кланя́йся Творцу́.

Ра́дуйся, му́жу желáний духо́вных, взыска́вый
Христа́ в странѣ нечестія магомѣтова; ра́дуйся,
отрину́вый богопротѣвную ону́ю прѣлесть.

Ра́дуйся, куплю́ де́явый вре́менную, вку́пе же и
вѣчную, небѣсную; ра́дуйся, страна́ники и ни́щия
пита́вый от трудо́в твоѣх пра́ведных.

Ра́дуйся, елее́м ми́лости умащѣнная главо́; ра́дуй-
ся, горѡ́ добродѣтелей, ороше́нная кро́ве стра-
да́льческаго излия́нием.

Ра́дуйся, му́чениче и чудотво́рче Авраа́мие.

Кондак 10

Спасти́ся нам пре́искренне желáя, мо́лишися
за нас горѣ у престѡ́ла Бо́жия, страда́льче Хри-
сто́в Авраа́мие, и твоѣми моли́твами посѡ́бствуе-
ши нам в странствии́ многотру́дном земна́го жи-



тя, е́же в покая́нии и благоче́стии сконча́ти, да сподо́бимся с тобо́ю воспева́ти Христу́ и Бо́гу на́шему: **Аллилу́иа.**

Икос 10

Стéну защище́ния стяжа́вше тво́я святы́я моли́твы, Авраа́мие чу́дне, ра́дуемся грéшнии и чтем лю́бовию па́мь тво́его усе́кнове́ния и мо́щей твои́х святы́х прене́сение, зову́ще:

Ра́дуйся, великоимені́тый наш засту́пниче; ра́дуйся, небожи́телю богопросвеще́нный.

Ра́дуйся, чудотво́рче дивный и ми́лостивый; ра́дуйся, бла́гий послу́шателю су́щих в ско́рбех.

Ра́дуйся, предва́ряя проше́ния призыва́ющих тя в беда́х; ра́дуйся, грéшных ко исправле́нию приведе́ние.

Ра́дуйся, ми́ро враче́бное недуго́м много́различным; ра́дуйся, не то́кмо теле́сных, но и душе́вных боле́зней изря́дный целі́телю.

Ра́дуйся, ду́хов нечи́стых от челове́ков прогоні́телю; ра́дуйся, даро́в благодáтных незаві́стный подáтелю.

Ра́дуйся, благоуха́нием мо́щей твои́х усажда́я ду́ши на́ша; ра́дуйся, чуде́сы твои́ми утвержда́я нас во і́стине святы́я правосла́вныя ве́ры.

Ра́дуйся, му́чениче и чудотво́рче Авраа́мие.



Кондак 11

Пѣние молѣбное и похвалу сию смиренную не презри, мучениче; се бо верою и любовию к тебе подвигаеми, раку мощей твоих соборне обстояще, убожаем тя, заступника нашего, и молимся: молись за ны вину ко Господу, вемы бо к Немю твоё невозбранное дерзновение и твоих молитв благодатное действо. Имуще таковаго предстателя, благодарне зовём дивному во святых Своих Богу нашему: **Аллилуиа.**

Икос 11

Светоносным Троическим сиянием горé осиянный, Авраамие святе, озари наша сердца, тьмою греховною покровенная; да елеём благих дел возжегши угасшия светильники наша, сподобимся брачнаго Христова чертога, идеже ты вселяешия со святыми и слышиши сия от нас благохваления:

Радуйся, Богом данный покровителю наш; радуйся, ангелоподобный человеце.

Радуйся, нищелюбче благословенный; радуйся, странноприимниче, древнему оному праотцу Аврааму уподобляйся.

Радуйся, яко рука твоя изобильно помогаше нуждающимся; радуйся, яко мудре расточал еси богатство тленное.



Рáдуйся, óное переменíвый на нетлénныя небéс-
ныя блага; рáдуйся, наслажда́йся блаже́нства
ми́лостивых.

Рáдуйся, предсто́й А́гнцу Бо́жию в ли́ке му́-
ченическом; рáдуйся, ликовству́й в селéнии
пра́ведных.

Рáдуйся, во страда́нии твоём до́блесть чу́дную
явívый; рáдуйся, язвы Го́спода Иису́са Христа́ на
тэле твоём носívый.

Рáдуйся, му́чениче и чудотво́рче Авраáмие.

Кондак 12

Благода́ть и ми́лость испроси́ нам у Христа́ и Бо́га
нашего, святы́й и сла́вный страсотéрпче Авраáмие;
ве́руем бо несомне́нно, я́ко е́же про́сиши, да́рует ти
всесла́внй Влады́ка; те́мже и о нас грéшных умоля́ти
не престáй Его́ благоутро́бие и испроси́ нам дар ко-
ему́ждо благопотре́бен, да зове́м всех сла́внх Винóв-
нику и Даропода́телю Бо́гу: **Аллилу́иа.**

Икос 12

Поём твою́ страда́льческую кончи́ну, сла́вим твои́х
честных мо́щей из Бо́лгара во Влади́мир пренесе́ние,
а по сконча́нии же седми́ столéтий в сам град Бо́лгар
прише́ствие в ча́сти мо́щей твои́х, от ни́хже то́ки чу-
де́с источа́еши непреста́нно, подвиза́я зва́ти тебе́:



Ра́дуйся, архáнгелов и áнгелов сослужíтелю; ра́дуйся, патриáрхов и проро́ков спредсто́ятелю.

Ра́дуйся, апо́столов единоревни́телю; ра́дуйся, му́чеников красото́.

Ра́дуйся, святíтелей и преподо́бных собесéдниче; ра́дуйся, пра́ведных и всех святы́х сожítелю.

Ра́дуйся, я́ко свѣ́ше чудес дея́нии украси́лся еси́; ра́дуйся, в честны́х и многоцелéбных мощáх свои́х вѣ́ну с нáми пребывáяй.

Ра́дуйся, о́ными преслáвно чудодéйствуяй; ра́дуйся, отра́до нáша и в скóрбех утешéние.

Ра́дуйся, недугующих исцелéние; ра́дуйся, согрешáющих исправлéние.

Ра́дуйся, му́чениче и чудотвóрче Авраáмие.

Кондак 13

О преслáвный страсотéрпче Христóв Авраáмие, мѣ́лостиво приéмши сие́ мáлое молéние нáше, умо́ли Царя́ цáрствующи́х и Го́спода госпóдствующи́х, Христа́ Бо́га нáшего, избáвити нас от вся́кия скóрби и ну́жды в жízни сей и мучéний вéчных по скончáнии нáшем, да сподóбимся в Цáрствии Небéснем вку́пе с тобо́ю пéти Ему́: Аллилу́иа.

*(Этот кондак читается трижды,
затем икос 1 и кондак 1)*



Молитва святому мученику Авраамію Болгарскому

Святѣй мучениче Аврааміе, доблїй воїне Христа Царя Небеснаго, в скорбех и напастех преславный наш помощниче и защитниче! Ничто же возможе отлучити тя от любве ко Господу Иисусу, ни лестныя обещанія благ временных, ни прещенія, ни муки от злых врагов святѣйшия Христовы веры; ты, яко лев, изшел еси на брань против волков мысленных, духов злобы, подвигших на тя, ради добраго твоего исповѣданія, единоплеменный тебѣ народ болгарский, и, яко огненная стрела, тех поразил еси силою благодати Святаго Духа, и крепкия, яко смерть, любве твоея к Богу. Аще и пролиыл еси кровь твою за Христа Бога нашего, погубив временную жизнь, обаче безсмертною душею, яко орел, воспарил еси в горнія обители Отца нашего, наследовав там вечную жизнь, славу и блаженство неизреченное, и оставив нам нетленные останки твоя, яко крин многоценный и благоуханный. Веруем, страстотерпче святѣй, яко, предстоя со Ангелы и всеми святѣми Престолу славы Триипостаснаго Бога, усердныя и богоприятныя возносыши молитвы не токмо о нас, о святѣй обители сей и граде нашем, но и о всей святѣй Христовой



Цѣркви и о правосла́вной Ру́сской держа́ве. Вѣруем, пресла́вный чудотво́рче, я́ко ты, си́лою всемогúщаго Го́спода Иису́са Христа́, чрез святы́я мо́щи тво́я, источа́еши обильны́я дары́ благодáтныя по́мощи во спасéние всем, с вѣрою к тебѣ притека́ющим, наипáче же испра́шиваеши конч́ину с пока́нием тебѣ чтúщим, и благосѣ́рдно помога́еши немощн́ым младенца́м, да вси от ма́ла до вели́ка единоду́шно прославля́ем неисповедíмое вели́чие бла́гости Бóжией. Тѣмже вѣрою и любóвию ко святы́м мощáм тво́им припада́юще и благоговѣ́йно о́ныя лобыза́юще, умоля́ем тя, дóбрый на небесí наш моли́твенниче и заступни́че, помога́й нам (и́мя) грѣшным и смире́нным тво́ими моли́твами во всех скóрбех, нúждах и обстоя́нних на́ших, сохраня́й нас, святу́ю обите́ль сию́ и град сей от вся́каго зла и вся́кия напа́сти, наипáче же споспешеству́й вѣчному спасéнию на́шему и всех прося́щих от тебѣ по́мощи и заступл́ения. Ей, смире́нно мо́лим тя, уго́дниче Бóжий, моли́ Христа́ Бо́га на́шего, да даст Он мир и тишину́ всем правосла́вным христиа́ном и да отврати́т от нас вся́кий гнев, на ны двíжимый, да изба́вит нас от сетей вра́жиих, томл́ения во úзах грехá и мучéний áдских, и да сподóбит нас недостóйных одесну́ю Себѣ стáти на Судé Своём праведном и внíти в вѣчный поко́й святы́х Его́, иде́же прáзднующих глас непреста́нный и неизречéнная



сла́дость зря́щих до́броту лица́ Его́; и та́ко возмо́жем
с тобо́ю и все́ми святы́ми безко́нечно просла́вляти
Отца́ и Сы́на и Свята́го Ду́ха, Тро́ицу Единосúщную
и Неразде́льную. Ами́нь.

Величание святому мученику Авраамиию:

Велича́ем тя,/ святы́й му́чениче Авраа́мие,/
и чтим честна́я страда́ния тво́я,//
я́же за Христа́ претерпе́л еси́.